

Иблис сунечивли разили вирар

Зина, Аллагълис ﷻ кумхакъяна уцнилис гѳергъи бегъла халаси бунагъ саби. Или-чив даимсиличивра иблис разили бирар. Илала дурабад бегълара убяхъсира, адам мучлаагарвирусира бунагъ саби. Къу-райзивра Аллагъ ﷻ викули сай: (мягъна) «Хуша зиналичи гъаммадирудая, мар-лира ил убяхъдеш саби ва вайси гъуни саби». Аллагъли ﷻ къуръайзиб зинакартас тягъзир, даршал гѳерхъа дяхъили би-рахъес чебаахъили саби. Даршал гѳерхъа дяхъили бируси тягъзир, чули гъачамал-ра мекъ хъебарибти адамтас саби. Чула гъямрулизиб гъачамалра мекъ барили биалли, зина барибси заманализиб чула магъарла мурул я хъунул агарли виалли-ра, илди къаркъубала барилли кабуршу-ти саби. Илдани чус барес чебси тягъзир хъебарахъилли, я тавбу хъедарилли бекъалли илди цъализиб цъала гъярчамагличил гъязабуркѳути саби. Зина нушала динлизиб ахъенс лерил гъар дуибти динаназибра халаси бунагъ-лизибад сабри. Давуд идбагличи ﷺ хъу-рабарибси Забурлизиб (Псалтырь) бурули саби: «Зинакарти чула гъявратуначил цъа-личи цъа бархбаси цъализиб бирар, илдас руржуси мехъла гъярчамагли дирхъути сари, гъар бяхъибхъелли илдани халаси чъяричил кумек тѳалаббину. Пур илдази Аззабаниятунани (чузиб уркѳецѳи агарти, Жагъанаблизибти гъязабла малаикунни) иру: Хуша разили, дукъардирхъули, Ал-лагълизибад ﷻ сегъуналра урехи я урехи агарли зина бирухъелли ил тѳама чина-бри хъушала?!». Муса идбагличи ﷺ хъура-дарибти вецъал аятлизибра Аллагъли ﷻ хъарбирули сабри: «Я мабилгъяд, я зина мабирид, илди дарадли, Нуни Хъелара Дилара ургаб пардав бирис». Нушала Идбагли ﷻ бурули сай: «Зина бирусини бусурманли виубли зина хъебиру, секъал билгъусини бусурманли виубли секъал хъебилгъя, держла бужусини бусурманли виубли держла хъебужа, адамтани суне-чи бирхауди бихъибси, хъурмат чевси адамли, бусурманли виубли гъармука-деш хъедире». Пурра Идбагли ﷻ бурули сай: «Аллгъла лагъли зина бирухъелли, илизибад иман дурабухъи сунела бекъла чеди бурхудилаван тѳашкабилзуси саби,



зинализивад дурау хъунхъелли сунечи чаркабируси саби». Пурра дурхъаси хъядислизиб бурули саби: «Чили зина бараллира, яра держла бержаллира Аллагъли ﷻ сунечибад иман, чегъурси хъевакъяйда бекъличибад чебкабалта». Вегълизибад иман сецад камси заманалис дурабухъаллира дебали халаси урехи саби. Иман агарли вебкъибси муртлисал-

ра Жагъанабла цъализи аркъуси сай, нуша дубкъуси заманара нушани чилиналра балуги ахъенра. Аллагъла Расул ﷺ викули сай: «Къиямала бархъи чузи Аллагъ ﷻ гъайхъелхъути, чучи Аллагъла ﷻ уркѳецѳи тѳинтѳхъебирути, чузи халаси гъязаб чеби-ахъути хъябал журала адамти лебти саби: зинакар ухъна, къяна буран пача, че биалра алкъниличив халаурхуси». ➤ 6

Номерлизир:



Секъяйда хъурмат бирусив кабизалаагарси нешла?



Нушазиб лебали нушала ахъенси, батаибхъели нушала бетаруси мас



Муртлисалра разили кавлуги

Цъали урцулван гъяхъти гъямулти игуси

Риягъла анцѳубукъ дебали халаси саб. Илра гъарил адамлис багъурли, илизибад гѳеркъавикес чебла саб. Марлира, нушани дирути гъяхъти гъямалтазиб риягъ бархъикали, ил гъямал цъали урцул игуливан игуси саб. Риягъла нушани пикридарес хъедизти декъар-декъарти жураби лерти сар, шайтѳанли нуша цъа секъай чердалкъахъес хъебиалли, итичибра гъатѳира дигъянсилличил чердалкъахъес къайгъи бируси саб. Риягъла журабира Хъясан Хъилми Афандини сунела «Буруджувъ мушайида» бикъуси жузлизир баяндирули сари. Илди нушала номерлизир делкъес къайгъи бирехъе.

Риягъла цаэси жура. Дехъбала дируси адамли, сунела дехъбала уркѳи-уркѳиларад дирули виалли, шайтѳанли илала бекълизи вайти пикруми ляр-къяхъу. Ил заманализив дехъбала дируси мерличи декъарси адам ухънаухъали, яра иличи дехъбала дирухъели хъербикѳути биалли шайтай илизи иру: «Хъуни хъела дехъбала жагадара, хъятта хъечи ишти хъербикѳути хъурматличил хъербизахъес, иштала гъалаб хъела багъа бакъахъес, гъур иштани хъед гъелаб я гъибат хъебиру, я вайтѳа гъайхъебикъар». Дехъбала дирусилара биркѳанти паргъатдирар, имцъякъ вяхъятѳала агардирар,

илала дехъбалара жагадирар. Илра загъирси риягъ саб. Риягъла къиэси жура. Адамли цаэси риягъра багъур-ли, итизибад гѳеркъаравикили, шайтай илра сунес мутѳигъвакъахъес хъебирули, илинира чи вакъалра, сунечи чи хъеризалра сунела дехъбала дирукъяйда дирухъели, шайтѳан иличи декъарси, гъяхъси гъуни-личибад гъамбиубли бикѳули саб: «Хъу, хъед гъялабад адамти башан сайри, хъечибадди масала кайсан сайри, бирусиллизиб хъечи хъербилзан сайри. Хъуни ба-рибсира илдани гъеббисуси саб, хъуни барибси гъяхъси илданира барали, хъедра керѳи биуси саб». ➤ 7

Секъйда хурмат бирусив кабизалаагарси нешла?

Хурматла «Ас-салам» газетала редакция. Дила уркиличиб челукъуси дебали мягъничебси ва къакъаикъахъуси масъала леб, сабира нуни гъярзили бекъбарес хейруси. Лебтанилра балуси саби Исламлизир неш халаси дурхъадеш ринъиличила. Лебтанилра балуси саби алжана нушала нешанала къашмауб биъниличила. Лебтанилра балуси саби нешла хурмат бирутас сецад гъяхъдешуни дирутил. Нушаб жанра гъямрура гитби неш-дудешла хурмат хебарни багъандан Къиямала бархъи сегъунти гъязабти чедаэс дирехъелра нушани балуси саби. Нунира лерилра илди аргъибти сари ва далути сари. Амма ну дебали къиянти аги-къяйдализи викилра, секъйда хурматбируси дила гъимидулхъуси нешла? Илини нушала хъалибаргъун ахленну, цархил хъалибарглара къисмат буун (сунела бусъягъатла заманала мура), сенкун дила дудешлизир шерир лералли илини цархил мурул адамличилра магъар дихъахъиб. Илини нушара нушала дудешра цахъадарира, ил пикрихъерухъун нуша гурра секъйда хердирутирал, секъйда адамтала хулубази хердиклутирал. Илгуна цахъадешла дамкъаличил севан хериеэс вируси? Дила неш динничи рирхуси ахлен, илини дехъбала хедире. Дудешли нушаб илизи гъайдикъахъес ва иличил бархъасуни дузахъес къадагъабарили сай. Се бирусира нуни? Секъйда дигахъес вирусира илгуна неш? Илгуна нешличил бархъасуни дузахъес шаригъат хъисибли ихтияр лебсив?

Шаригъатли се маслигъатбирулира?

Хурматла редакция. Наб челукъуси секъайчила, гъатлара бархъли бирар наб насихъат бурили дигулра асли. Дила дудеш держличи даимвиубли сай. Держличилти авара тамандара или ихтилатбарасли, нушала ургабси гъай члумаги къалмагъарличил таманбирули саби. Шаригъатли держ пайдала дирахъес къадагъабирули саби или бурасли, ил виклули сай суненира иличила балулра, амма гурраужес даимвирули сай. Хилхъи гъашизур ил Рамазан базлизив. Баз кабикиб ва ил сагали ужес вехъкайхъиб, я гъашизес пикри лебсигъуна ахлен. Нуни гъанна илис себируси балули ахленра. Бурибси иргъули ахлен, ил сай пикриулхъули ахлен. Нешли бурули сари, дила урши, хед общежитиелизи арукъядри къулайсири или. Ну бегътала левал левси ца урши сайра, нешра ил держлукулъа мякълар сарицун ратес асухебирар. Набра хъулилад дуракъахъи сай бикъахъес хейгулра. Шаригъатли илдигъунти аги-къяйдализи викибси адамлис се маслигъатбирулира? Се барес вируса нуни дудешла хурмат бирули калес багъандан?



Секъйда хурмат бирусив кабизалаагарси нешла?

Нушала нешли нуша дархъадешхелели ну хъабал дус виублири, дила узи – кел дус. Итхелели ил дила дудешла юртлизив херируси ца студентличил рарх нушачирад ребшибсири. Дудеш сагали хъайчи кайиб. Амма дудешла шайзирадси дила халанешли узиличира набчира гъими чекабуциб. Ил сунелауршила хъалибаргъичил рарх херрирусире. Ил нушаб дудешла узи сайри. Дудешла узилара хъабал дурхъа лебри. Биалра, илини нушара сунечи ардукира. Хала неш рухънара илри ва декъли зягъиприкиб. Нушала неш хъулирад ребшибхелели, хала неш вяшрехъес рирули ахленри. Кел дус дикили гъергъи хала нешра ребкълб. Бахъли маслигъатбирулири нуша дурхъанала юртлизив (детдом) дедахъес. Амма дудешла узилра хъунул Зайнаб илбарес къабулхъерикиб. Илини нуша кълпдурцутири ва язихъдилзули рисусири: «Чиналра бедхъелугас, дила дурхъначил барх херкабирис». Нуша иличи неш или дугъадилзутири. Ил хъунул адамли нушази цайналра ахъли гъайхъеиб ва нушала урки буунси анцъбукъ хебиуб, вайтла херризурилра гъанхъебиркур. Дудешла узини гъама ахъбурцути анцъбукъуни дири, сенкун илра нушала нешла баркъудиличи гъимукълри, амма илра Зайнабли паргъатвирусире ва дурхъначиб сегъуналра гъайиб агара рикъусире. Ил мурталра нушала шайчир рирусире. Илини палтар булан сунела дурхънасихъир нушаб гъалар исули рири. Зайнабли сунела дурхъначил дарх нушара дулгахъес ва дехъбулта диркъахъес бурсидарира. Наб гъаннара гъанбиркур, секъйдали диштгъахъели илини дехъбала дирахъес бурсидарули калунрал. Зайнабли итхелели нушаб копилкаби асибтири ва чили гъалар (заманаличир) дехъбала дараллира, илис арц лугусири копилкализив кадилахъес. Зайнаб нешли нушаб дахъал гъяхъдешуни дариб, лерилра ишар гъандушесра хейрар. Дила виштгъал узи зягъипикибхелели, ил нуша хъулир датурли, чумилра дуги-херилис къуллукъ бирули, больничализир дугелира кавлусири. Дусми ардъакъун. Гъанна ну 15 дус виублира, узи –14. Зайнабли нуша гъаннара сунела дурхъназирадеклардирули ахленра, амма гъаларван «духукариубси» нушала неш дурарикиб, ил муруй жъявилл лайракълли руили сари. Илала гъамруличила наб ишаб гъинтлри буресра дигули ахленра. Пегъгити кел дус илини хиджаб бихули сари, дехъбулта риркъули сари, дубруцули сари. Ил сунела гъамтачил июнь базличир нушачи ракълб ва Зайнаблизира нушала дудешла узизира бахъхъи гъайбикълли калун. Зайнабли нуша жидарира ва ил хъунул адам чераахъили, иш хушала неш сари или буриб. Нушала

неш сарра рикълси рисикарииб, илис нуша кълпдудес дигулри, амма я узи я ну илизи кълпдудцахъес къабулхъедикира. Бархъехъ Зайнабли нушази буриб хушала неш бетатурсиличил дебали пашманриубли сари, хушази сунечирад чердерхахъес тиладирикълли сари или. Илис нушачил рарх херриэс дигули руили сари. Пегъгити дусмазир ил рарсриубли руили сари: илала квартира леб ва нушала шагъарлизивси квартиралис барсбарес дигули сари. Илала мирхъи лерли сари. Хъйвантала фермализив пай лебли саби. Вачар-чакар дузахъули руили сари ва яшавлизир гъалархъл аррякъи руили сари. Нушани багъахъурра – узинира нунира – илизибад силра гъалаббириули ахленра или ва ил нушала неш ахлен или члумали кадизурра. Ил нушаб гъанриркули ахлен или бурира. Зайнаблира нушази иличирад чердерхахъес тиладибариб, амма нуша къабулдикес хедидубра. Нуша иличил дарх хердиэсра хъакъахъе. Марлирагу илгуна нешличивадра чевурхусив? Аллагъ багъандан иличи чарулхъусив? Нушани ил барес дирули ахленра. Аргъес ахъри биули ахлен.



Нешли ну хиджаб чегъахъес ралтули ахленра

Ахлерси редакция. Ну студентка сарра, вузла хъабъибил курслизир ручълура. Байхъала дус риублира дехъбулти дирес рехърихъили. Кълана бихулура, хиджабра гъалаббарилра. Адамтара бурули сабиначиб хиджаб ункълли балбикили саби или. Рурсба сенхиджаб бихусил хебураллира аргъеси саби. Неш биалли набзи бусурмантачи хаста палтар дихахъес къабулриркули ахлен. Дила мякълар илди палтарличил рашес хед цахъли ахлену, рикълли сари. Илини сари ишхелела заманала гъалархъл аррякъунси хъунул адамлизи халрирули сари. "Ну гъаргси бекълчичил рашулра, ху биалли начиличи мешурикес ралризурири. Дати дуркъа авара." – рикълли сари ил набзи. Ну илизи рикълура, наб ху багъанданра цахъбилзули саби. Хукулун 44 дус риубси хъунул адам сарри, амма райхъала гъаргли рашулри, хечи жагълити булан хербикълли саби, рикълура ну илизи. Иличи хербикъллициун ахленну, иличил аваралибиркъес дигули биъни булан иргъахъули саби. Наб гъарли-марли цахъбилзули саби дила неш илгуна ринъи багъандан. Асухебирар къалли 44 дусла гъамруличир 24 дусла гъамруличирсиван вяшрикълес. Кълантла хлевни челгули сари, майкаличил дурарулхъули сари, мурул адамтанигъунти шалбурти челгъу-

ли сари. Нуни илдала хекълизив гъанбушибхелели, нешли набчил къалмагъар булан дариб. "Хела набчил илкъяйда гъайрикълес ихтияр агара! – рикълли сари. – Наб гъакълумаругъес гъянидеш агара, дила мурул лев, илис асубар наб сенхила къадагъабирес, ху биалли лехъкахъили руэн. Хела исламлизивра бурилу илкъяйда или". Саби. Илини сарира бусурманнизи халрирули сари "нушала дин" рикълли. Сунени биалли набзи хиджаб бихахъес къадагъабирули сари. Се бариша нуни? Бегъгити къаршили дурарухъес асубирули ахлен. Дила неш чебхъиси даражала багъуди касибси тухтур сари, акълни хъисибли бусурман сари. Амма илбагъандан наб адамтала гъалаб цахъбилзули саби. Се бирусилра балули ахленра. Дудешлисра авара агара неш сели риркъулил, ил сунела хъанчилизи вархили сай. "Илди хушала къалмагъарлизи ну гъудурмайраба" или кайзури сай. Дудешли набзира малхъамли иб: "Белики, дила рурси, хед хиджаб хебихадлира гъямал бетаэс? Школализив бираргу ца белгиси журала палтар дихахъес гъалаббириули. Нешличил къалмагъарли мариркъуд, илгуна набтаб хулчилизи буцили." Бурагу, наб илдигъунти бегъгачил секъйда вяшрикъласли къулайсил.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Мухаммад ДАВУДОВ

Главный редактор

Заурбек (Абдулла) ЯИКБАЕВ

Редактор

Асхаб ДЖАРБАЕВ

Канонический редактор

Мухаммад ДАВУДОВ

Корректор

Асхаб ДЖАРБАЕВ

Дизайн, вёрстка

Мухаммад МУСАЕВ
Иса ОМАРОВ

Менеджер

Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ _____

Сдано в печать 03 марта 2014 г. в 18:00

Тираж 2. 600 экз.

Адрес редакции

367015, РД, г. Махачкала, ул. Аскерханова 13а.

Телефоны:

Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.

e-mail: assalamweb@gmail.com; www.assalam.ru

Нушазиб лебали нушала ахленси, батаибхелли нушала бетаруси мас

Анас ибну Маликли хиядис бурули сай: «Аллагъла Расул ﷺ виклар: Аллагъли ﷻ дунъя аклахъубхелли ил руржес бехлбихиб, Аллагъли ﷻ аклахъубли шурми иличи кадихъибхелли ил руржуси тлашкабизур. Ил секлайчиб малаикунни тамашабубли Аллагълизи ﷻ хъарбаиб: Я Аллагъ! Хуни шурмачиб цлакъси сальра аклахъубрив? Аллагъли ﷻ иб: Аклахъубра, мехл шурмачиб цлакъси саби. Пур малаикунани хъарбаиб! Я Аллагъ! Хуни мехлчиб цлакъси сальра аклахъубрив? Аллагъли ﷻ иб: Аклахъубра, ца мехлчиб цлакъси саби. Пур малаикунани хъарбаиб: Я Аллагъ! Хуни цаличиб цлакъси сальра аклахъубрив? Аллагъли ﷻ иб: Аклахъубра, шин цаличир цлакъси сари. Пур малаикунани хъарбаиб: Я Аллагъ! Хуни шинличиб цлакъси сальра аклахъубрив? Аллагъли ﷻ иб: Аклахъубра, дягл шинличиб цлакъси саби. Пур малаикунани хъарбаиб: Я Аллагъ! Хуни дягличиб цлакъси сальра аклахъубрив? Аллагъли ﷻ иб: Алгъай някълизи чехлебаахъилли балуй някъли садакъа бируси Адамла дурхля цлакъси сай итичив». Амма гъарил садакъара иш хиядислици лайкбируси ахлен. Чизи биалра чебаахъес, адамтала ургаб сунела у сахаватсила къяйда машгъур-биахъес багъандан бируси садакъа Аллагъли ﷻ къабулбируси ахлен. Илгъуна адам Къиямала бархли, сунени ит гямал чери барили виаллира, кери сахаветса итичи урхъуси сай. Ил багъандан сай нушала Идбагра ﷻ виклуси, алгъай някълизи чехлебаахъилли балуй някъли садакъа беддугуси или. Ихала мягъна саби, садакъа ихцадра дигъанбарили, чизилра чехлебаахъилли беддугес хияжатси сабини. Илбагъандан сабри салафунани чула садакъа дигъанбируси. Сукъурсини садакъа беддугуси чехлейъни багъандан, илди сукъурси, мискин адам варгес умцлули бири. Илдазибадди цабехитани садакъа, усуси мискин адамла хевализи билгъулири, деклартани садакъа мискинти башуси гъуйчи лайбиклулири. Пурра, садакъа хлейгу-хлейгули беддугес асхлебирар, ил гъаргси уркиличил беддугес хияжатси саби. Аллагъла ﷻ виклули сай: (мягъна) «Я бусурманти! Чула давла, адамтала ургаб пахру багъандан белгъутани къяйда, хушалара садакъа хлейгули беддугни-личибли букъмабуладая». Пурра садакъа бегларга умуси, хиялалси маслизибад биес гягъниса саби, нушала Идбагра ﷻ виклули сай: «Аллагъ умуси сай, ва умуси ахленси къабулбируси ахлен». Суфьяну Саврию виклули сай: «Аллагъла гъуйчиб харжбарибси хиярам, сунела палтар нажасли дирцибсигъуна саби, палтар-ра умуту ши ахленсини умухедиду, бунагъунира хиялалсини ахленсини умухедиду». Пурра садакъа къабул-бирнила шуртразибадли саби, ил садакъа разиси бяхлличил беддугни, илала хлекълизибад нушала Идбагра ﷻ виклули сай: «ца диргъам, даршал азир диргъамличиб чедибикиб». Ихала мягъна саби, гързаси уркиличилра, разиси, паргъатси бяхлличилра бедибси ца диргъам, марайси бяхлличилра, къакъаси уркиличилра дедибти даршал азир диргъамличиб дурхъаси саби. Садакъа беддугухелли, ил садакъа Аллагъ-

лис ﷻ гйбадатлизиб кумекли белгъуси адамлис бедес къайгъи барнира гяхлси саби. Нушала Идбагра ﷻ виклули сай: «Садакъа, сунела вегъла някъбазибад дурабухъунхелли, илизи ил шел гъайли гъайбулхъуси саби: Ну биштлали бираси хлуни, халабарира, ну дила арилизиб бираси, гъанна хела арилизиб бетаурра, ну душманли бираси, гъанна хлу диган бетаурра, ну бет-калхъуси бираси, хлуни мурталр кавлхъуси барира, ну камсири, хлуни имцлабарира». Пурра нушала дурхъаси Идбагра ﷻ виклули сай: «Хушазибадди чили хлушала бусурман узи велкъайчил вахадаллира ва милиги ахъайчи шин дедаллира, Аллагъли ﷻ ил Жагъанаблизибад Геркъавируси сай ва илалара Жагъан-наблара ургаб верхел хандакъ дилтла, гъар илди хандакъла ургаб шуцали дуслла гъуни лебси саби. Илхелли Жагъанаблира вявиру: Я Аллагъ! Хлед шукрула сужда барахъес ихтияр бихагу, наб дила гъизаблизива Мухъаммадла умматла че биалра верцахъес дигуллири, сенахенну, ну Мухъаммадлизиваду уруклулири Иллала умматла садакъа барибси адам гъизабверкъес, Хуни ил верцахъ-ни багъандан нуни Хлед гйбадат барес гягънисира. Пур Аллагъли ﷻ къацла кусукличилалра, яра чумиз-дагла бутгаличилалра садакъа бариб-си адам Алжанализи урхъу». Аишатли ﷻ бурули сари: «Идбагличи ﷻ ца хъунул адам ракиб, илала някъ берублири. Идбагличи ﷻ ил риклар: Я Аллагъла Расул, дила някъ арабиахъес Аллагълизи тиладибарагу. Идбагли ﷻ илизи сунела някъ селизибад беруб-сил хъарбаиб ва ил риклар: Нуни муэрлизиб Къиямала бархли бакилли чебаира, Жагъанабла цара алкири, Алжанала къапура къаплири. Нуни Хушанабла цализир дила неш чераира, илала някълаб ца биштласи къалтингъунара лебри, биштласи чянкйила кусукра лебри, илдачл илини ца бишахъес рузуллири. Нуни илизи ира: Дила неш, хлед се бетаура? Сен хлу нуни иш мерличир чериуси-ри? Хлу Аллагълис мутиграклибси рирадигу, хлевив хела мурул разили виригу! Илхелли нешли иб: Я дила рурси ну мяштла рираси, иш мерра мяштлабала мер саби. Нуни сунела някъларти чянкйилара къалтира се бутгни сарил хъарбаибхелли ил риклар: Нуни лерил дила гямрулизир садакъа ишти секлумачил цун сабри барибси, ишти набзира гиб. Нуни дудеш чинав левал хъарбаира, нешли иб: Ил сахаватси вири, ва сахаватгъла мерличив лев. Пур ну Алжанализи аррякъунра, илав хела хиявличибад адамти ши балхули дила дудеш леври я Аллагъла Расул. Нуни илизи ира: Я дила дудеш, хела хъунул Аллагълис мутигл раклибси рири, хлура сунечив разили виради, ил Жагъанабла цализир игули лергу, хлуни биалли адамти Аллагъла Расула Хиявлизивади ши балхуллири, дедагу нешлисра ца къяршиллар шин. Илхелли дудеш виклар: Я дила рурси! Аллагъли ﷻ мяштлабасра бунагъкар-тасра Идбагла ﷻ Хиявз хиярамбарили саби. Нуни дигъанли Хиявларад къяршиллар шин касили, милигси нешлис ардухира. Илхелли нуни тлама бакъира: Хуни мяштла бунагъ-кар адам Идбагла Хиявларад рахни багъандан Аллагъли хела някъ

берахъуб. Ил заманализир ну муэрли-зирад чераргъира ва дила някъ берубли лебри». Пурра Аишатли ﷻ бурули сари: «Идбагли ﷻ ил хъунул адамли бурибси хабар бакъибхелли, илала някълици сунела гъайса каби-хъилли виклар: Я Дила Аллагъ, ишини бурибси муэр багъандан сунела някъ арабарагу. Саби буибкъяйда илала някъ арабиуб». Пурра Идбагра ﷻ виклули сай: «Сахаватдеш Алжанализи-зибси галг саби, илала къялуби лебил дунгълици тинтдиубти сари, илдази-бадди чиди буцаллира илини Алжа-нализе арку. Мяштгдеш биалли Жагъанаблизибси галг саби, илала къялуби лебил дунгълици тинтдиубти сари, илдазибадди чиди буцаллира илини Жагъанаблизи арку». Пурра бурули саби: «Сулайман Идбагличи ﷻ члака бакйили биклули саби: Ца адамла галг леб, нуни ил галгличир жибхли садалтуллира, ил адамли биалли дила жибхли ардиху-ли сари. Сулайманли ﷻ ил адам ваклахъилли илизи гъатли члакала жибхлиначи къячхейкахъес хъарба-риб. Пур Сулайманли клел жинд даклахъилли илдази виклар: Челяб-къуси дуслизиб, ит адамли гурра их арцанла жибхли касалли, ит адам клел бутгаличи деклараварилли ца бутла западличи ца бутла востокличи лайвакая. Пергъеси дус баклибхелли ит адамли сунези Сулайманли ﷻ члакала жибхлиначи къячхейкахъес хъарбарни хъумкартурли галгличи ацили, члакала жибхли гурра касиб, амма галгличе ацлес гъалав илини ца мискин адамлис къацла кусук садакъа бариб. Пур ил члака бакйили Сулайманличи ﷻ гайцбухъи, сунела жибхли гурра ардухлиничила буриб. Сулейманли ﷻ иди жиндри тягъизир баресла къасличил баклахъили хъарбаиб: Сен Хушани нуни хъарбарибси хлебарира? Илди биклар: Я Аллагъла Расул! Ит галгла вегл, галгличе ацлес гъалав, къацла кусукличил ца бусурман адамлис садакъа бариб, гур нушани ил уцес далдизурхелли, Аллагъли ﷻ заклизивади клел малаик бархъиб, илдани нуша дуцили, ца западличе ца восткличе лайдаклира, ва садакъала баракат багъандан ил адам нушала зарайзивади Аллагъли ﷻ верцахъиб». Пурра хабар бурули саби: «Бану Израгилтаци засуха бакйили саби. Илхелли ца давлачевси адамла унзала гъала мискин вакйили, Аллагъ багъандан ца къацла кусук тиладиба-рили сай. Давлачевсила рурсини аррякъи хъулибад буцарси къацл дурасили бедиб. Вайси давлачевси адам хъули чарухъи, рурсила баркъу-дичилича багъурхелли, гъясивиубли илала някъ чябъяхъили сай. Дурхъа-дешла вегл Аллагъли ﷻ илала хлял мискиндешличе шурбатугли саби. Илала лебил масс давлар арбякъи, убяхъдешлизиб, мучлаагардешлизиб вебкйили сай. Илала рурси биалли, мискинтачил, садакъанабачил рарх кали сари. Ил дебали жагасири. Ца бархилилизир ил ца давлачевси адамла унзала гъала раклили сари. Хъулирад давлачевсила неш дурарухъи сари, ил рурсила жагадеш чедаибхелли, ил рукили хъули сунела дурхъалис шери рукес пикри бариб. Ил давлачевси адамлис шери редибхелли жагали ралкъагъахъули, илала гъала устулра кабихъилли, чучил рарх къацли рукахъес каратур. Рурсини сунела



някъби дуралхесиб, илхелли давла-чевсила нешли илала алгъай някъ дурасиб ва дурасили балуй някъра нушачил рарх къацли руkenгу или тиладибариб. Амма рурсини сунела някъ агни багъахъес урузриубли гурра алгъай някъ дурасиб, илкъяй-далли чуйнара дурасиб. Пур хъулрала бухнаб декларси тламали тлама дариб: Я дила лагъ! Хуни нуша багъандан къацличил садакъа барири, Нушани хлед хела някъра чарбалтуллира, руken хела балуй някъли, рурсини сунела таманли араси балуй някъ дурасиб ва сунела муруйчил рарх къацли руken». Сай багъандан барибси садакъа Аллагъли ﷻ ужра агарли балтуси ахлен. Нушала Идба-гра ﷻ виклули сай: «Адамла хъули гъайхлял ухнаухъалли, иличил барх ил хъули даршал баракатра, даршал урклецира духнадулхъути сари». Пурра хиядислизиб бурули саби: «Чили ваклибси гъайхляйс, сунела хъули лебси беркайчил Аллагъ багъандан гъайхлял деш дараллира, Аллагъли ﷻ илис Алжанала унза гъаргдиру». Чили гушси адам вел-къайчил вахаллира, итис Алжана чебкабируси саби, чили гушси адам гъавяхъаллира, Къиямала бархли Аллагъли ﷻ ил сунела урклецилизивади декларавиру ва цализив гъизабурклу. Аллагъ багъан-дан гушси адам чили вахаллира итис Алжана чеббирар. Идбагра ﷻ виклули сай: «Хуша цализирад чумиздагла бутгаличиралра урухкленая». Ихала мягъна саби, ихцад камсилра садакъа бирули цализирад дерпес къайгъи барая. Нушазиб лебси лебил мас давла, Аллагъли ﷻ заманалис, нуша ишар хердирули лералли гйбси саби, иш дунгъличив сегъуналра масла я давла вегл левси ахлен, илдала вегл ца Аллагъ ﷻ сай. Илба-гъандан, нушани Аллагъла ﷻ мас, нушази буцили, иличи къакъадиклули бихлес асубируси ахлен. Илкъяйдали калахелли, Аллагъли ﷻ нушазибад лебсира арху, ахиратлизирра сегъу-налра пайда агарли детарехе. Аллагъ-ли ﷻ нушаб гйбсиллизивади ца кам-силъра заклатла дурабад садакъа бирехелли, ил нушаб клелра дунгъ-личиб мампаятти бирар. Аллагъли нуша мяштлабазирадди хледарилли, сахаватгъазирадди дара-ба. Алжунти хиярамдарибтазирадди хледарилли, Алжунти чердарибта-зирадди дараба. Идбагла ﷻ Хиявз хиярамбарибтазирадди хледарилли, Иларад дужантазирадди дараба. Амин!

Муртлсалра разили кавлуту

Алжанала жагадешличила ахир агарти гъай дурес вирар. Фирдавс Алжанализир, адамли сунела гъямрулизир чедаибти деркестира держестирара дирар, сунени чехедаибти азирти журала гуррара дирар или бурули саб. Пурра бурули саби, декларти Алжунтазира дашути варалара, ниъларара, чягъирларара хуркѳби Фирдавслизира кадудхъути сари. Ца халаси Аллагъла ﷻ вали, къутѳбу Пябдул Пязизли иб: «Адамтас гъанбиркуси саб Фирдавс Алжана бегларара ахъси саби или, амма илкъяйдали ахъен. Даруль Мазид бикѳуси Алжана лебси саби, илар я держести я деркести лерти ахъен, илабра Аллагъла ﷻ валибира, Идбагунира лебти саби, илаб мурталра Аллагъ ﷻ чеваэс имкан лебси саби ва их разидешличичи сегъуналра декларси разидеш ахъебиркур. Алжунтазибти адамти иш дунъяличичи чарбиэс хейгниличичи мешули, Даруль Мазидлизибти адамтира декларти Алжунтази букъяс хейгахъу». Пурра Пябдул Пязизли бурули сай: «Фирдавслизибти адамти имѳалин Мухъяммадла ﷺ умматла саби, Мухъяммадла ﷺ умматла декларти Алжунтазиб камли бирар». Пурра Пябдул Пязизли бурули сай: «Нушала Идбаглис ﷻ сунела уммат дебалли дигусири, Идбаглис ﷻ дигусири сунела умматличичи зиярат биресра, илбагъандан Аллагълира ﷻ Сай ﷻ, Даруль Мазидра, Фирдавсара цаладяхъили, Сай келра алжанализибтани чеваэс имкан бедниличибли дурхъавариб». Ихти келра Алжаналис дарх Джаннатул Пиллион или биклар. Аллагълира ﷻ нушала Идбаглис ﷻ ахъенси их Алжана бедибси ахъен. Идбагра ﷻ виѳули сай: «Их Алжанализибтани декларси Алжанализи хербизали, ит Алжанализибти лебилра Сунела нури база шаланиван шалабирару». Абу Баѳр Сидикъара ﷺ, Пумар бин Хатлабра ﷺ их Алжанализиб саби или бурули саби.

Лерилра Алжунти гехъел лерти сари: 1) Дару Ссалам. 2) Жаннату Наѳим. 3) Жаннатул Маъва. 4) Жаннатул Хулди. 5) Жаннатул Пядн. 6) Жаннатул Пиллион. 7) Дарул Мазид. 8) Жаннатул Фирдавс. Гъар гегъгъиси Алжана гъалабсила чедиб лебси саб. Нушала Идбаглис ﷻ иб: «Удирти Алжунтала агълу, чедирти Алжунтала агълуличичи, нуша заклизирти зубрачи къяйда хербиѳути саби».

Алжанала нигъматуни. Алжанала ѳедеш иш дунъяла ѳедешличирад декларадудхъути сари. Аллагъли ﷻ Алжанала ѳедешли дуриб тѳутѳи, чумиздаг, вара, чягъир, ниъ, дий. Алжанала палтарли Аллагъли ﷻ дуриб шелк, бархат. Алжанала хъулрани дуриб арѳла хъулри, мургъила хъулри, жемчугла, яхонтла ва декларти дурхъати къаркъубала хъулри. Илдира дурибти сари сенахъенну нушани илдала жагадешра, дурхъадешра далутира, нушани хедалутира дурибти ахъен, Аллагъли ﷻ нушаб Алжанализи дукъяс къадарбарали нушани илди лерил чедаэс дирехъе. Аллагъли ﷻ нушани хедалути дураллири, нушани илди се сарил хебалути илдачи халаси хъул хебири. Иш дунъяларара итил дунъяларара ѳедеш секъяйда мешудикес дирутив, иш дунъяла адамтани, бегларара гъяшси Алжанализибадси, Дару Ссаламлизибтани ца тѳутѳи чебаалри, илдани иш дунъяла лерил нигъматуни далти или бурули биалли? Дару Ссаламлизибти адамтани Жанна-



ту Наѳимлизибадси ца тѳутѳи чебаалри, илдала лерил чула Алжанализир лерти ѳешличирад урѳи далкъи. Ихкъяйдали сари чула ургар цаличир ца ахъти Алжунтира.

Алжанала агълу дурхъабирни. Алжанала агълулис гъанѳи, бамсри ахъни, дуги, хъери лерти ахъен. Илдас бамсрира, анѳкъира, лерил иш дунъяличичи адамтас хейгести секлар лерти ахъен. Амма адамтани Алжанализира бикили, Аллагъра ﷻ имѳиякъ вагъурхъелли, чули дунъяличиб заяли берѳибси минутичира, чули Аллагъ ﷻ гъанхъершули берѳибси лебил заманаличи пашманбируту саби. Пурра бурули саб, Аллагъли ﷻ Сунела урѳеѳиличибли Алжунтази бархъибти, чули дунъяличиб лебали бунагъуни дирули калунти адамти, Аллагъла ﷻ урѳеѳира чебаили, Аллагъла ﷻ дурхъадешра чебаили, чули дарибти бунагъуни гъандиркахъу ва илди дебалли урузбирар. Пур, адамти чула мургъи арѳла верандабази хъурабиубхъели, Аллагъли ﷻ чучи гурияби бурхъу. Илди верандабачир мургъилара, арѳларара нараби (тухригъуна секлар) лер, илдачи шелклара, бархатларара ухъни удушили дирар. Алжунтала диркъабачир жагати гулги дашули сари, илдала къялубачир жагати колокольчикуни чапѳухъи сари. Аллагъли ﷻ гуриябази хъарбирару: «Хишани дила лугърази жагати макъамти дакъяхъая, дунъяличиб лебалли илдани чула лихъѳи дамларара, журналара гъамализирад дерѳахъибти сари иш дунъяличичи илди макъамти дакъес багъандан. Илди ишбархъи разили саб, сенахъенну илдани Дила гъайла бакъиб, Нунира, Нуни чесиби бири». Пур гуриябани Аллагъра ﷻ дурхъаварили, чузи хъарбарис биру.

Пяршла шайчибад кункси дягѳи лябкъян, ит дягѳи галгубачирти колокольчикуни зяйдулхъахъу. Ихтала гъамали Алжанала агълу разибиру ва илди булхъес бехѳирхъур. Малаикунани илдази иру: «Аллагъ ﷻ хишазу, делхъли хишала къаркъулуми язихъмадиридая, хишала итира дунъяличичи лералил Наб гѳибадат бирули дамсулпирара или виѳули Сай, Аллагъ ﷻ виѳули Сай хишала кадибти тухри делхълизи кадудхъаб хишала дамхъедамсахъули». Ихкъяйдали марлира бегарар, Алжанала агълу кабибти скамейкаби дулхъес дехѳирхъур ва илди адамтас чина букъяс дигалира ита дашар. Пур Аллагъли ﷻ адамтас хъевни дурѳу, гъарилис сунела баркъуди хъисибли дедлуга, илди хъевнира мургъила ѳимазирад дарили. Нури шаладарибти сари. Гъар хъеваличиб нури «Бисмиллагъ» или белѳи бирар. Илди хъевнира чегъурли адамтани Аллагъ ﷻ дурхъавирес бехѳирхъур. Аллагъли ﷻ биалли, илди гъариллизи, пардавла гъелабад салам бедлугути иру: «Мархъяба, Наб гѳибадат барибти. Ну хишачив разилира, хишала набчир разилираяв?». Илдани иру: «Я нушала Аллагъ, Хъед сари нушала тасбихъунира, шукруртира. Нуша Хъечир разихъедикес себали дирутирав Хишани нуша ишѳад дурхъадарибхъели». Илхъели Ааллагъли ﷻ иру: «Нуни хишала гъатѳира дебалли дурхъадирара». Илдани хъарбаибхъели гъатѳира дебалли секъяйда разиварес вирус илди, Аллагъли ﷻ иру: «Нуни хишачибси Дила разидеш дураберѳира, гъатѳи Ну хишачи гъими хейрус, хишала чардудхъенная хишала Алжанала къялгънази». Гъарилис Алжанализиб дурхъати къаркъубала къялгъни хъадурдарили лерти сар. Гъар къялгъла духънар 70 000 азбар лерти сари, гъар азбарла гъалар 70 000


галг лерти сари, илди галгубала гъар къялиличир 70 000 деклар-декларти ѳедеш лерти сари. Къялгънала гъянир 70 000 мургъила скамейка дирар, гъар скамейка 330 деклар къадар бухъянси саб. Гъар скамейкаличир 70 ухъа лерти сари, гъар гъяла мякълаб 70 биштлати бирар, илдала някъбазир мургъила шишми дирар, илди шишмазир деклар-декларти держести дирар. Гъар Алжанала агълулис, чула къялгънази 70 хъунул-гурияби бирар, къялгънала гъаларадра ниъларара, чягъирларара, варалара хуркѳби дирар. Адам сунела скамейкаличичи аѳес дигухъели ил скамейка ила гъалаб гъяшбирар, иличи аѳибхъели ил чарбиубли ахъбирар. Адамти чина биалра букъяс хъулбухъали, илди чула скамейкабани арку ита, адамтас заклизир арѳес хъулбухъали скамейкаби заклизира арѳантииван урѳар. Алжанала агълуличичи гъар бархъи шуйна, мургъила подносуначир, деклар-декларти ѳедешличичира, деркестачилра Аллагъличибад ﷻ малаикунни башар. Ихра, чула заманаличир дехѳала дирнилис савгъа саби. Алжанализиб я дуги, я ѳябдеш лерти ахъен. Алжанала хъалѳ Аллагъла ﷻ Пярш саби, алжанализи шаладешра Пяршлизибад башути саби. Алжанализибти адамтани дуги, хъерилизибад декларабирару, дугели алжанала унза сарил къяпѳидубли, илдачи занавеска къяпѳибирар. Илхъели адамти чула гуриябачил барх, чула иш дунъяличичи калунти хъунрачил барх чула хъулрази бухънабулхъан. Савли Алжанала арѳантани Аллагълис ﷻ салам бедлуга. Адамлис савли чебиалра чеваэс дигали, ил сунела скамейкани итичи лямѳла агиличичи ветихъу. Сунес дигусиличи къаршивикили гегъгъи скамейкани чаркарили сунела къялгънази арку. ► 5

Муртлисалра разили кавлуги

4 « Малаикунани заман-замана илдаци зиярат бирули биклар: «Ассаламу гъялайкум я авлияАллагъи, саламун гъялайкум бима сабартум, фанигъма гъукъбаддари». Алжанала агълу цѐдешли букухѐли, галгубачирти арцантани, чула жагаси тѐмаличил илдас тасбихИ биру. Илди букутира саб тѐгъямлис багъандан, гаша я милиги илдала лерти ахѐн. Илди гъачам букал-лира гушбирути ахѐн. Илкъяйдали, илди тѐашхѐбизурли букаллира, чузи-бад сегъуналра нѐс дурабулхъуси ахѐн, лебил беркунси нурличи шрбулхъуси саби.

Беглар халаси разидеш. Аллагъли ﷻ иру Сунела лугърази: «Алжанализир лерил хѐушаб дигути секѐл дирар». Адамтани иру: «Я нушала Аллагъ ﷻ, нушаб дигуси, Алжанализиб агарли Хѐуни сильра батулли ахѐнри, сенахѐнну дунгъаличир нушаб Хѐчила гъайдикѐс дигутири, Хѐла дурхъати гъайличи лехѐихъес дигутири». Илхѐли Аллагъли ﷻ Давуд Идбаглизи ﷺ, жемчула ахъси минаретличи аѐили, лебил адамтани бакъесли сура белѐлахъес хъарбиру, ихала тѐамала жагадешли лебил адамти къагъбиѐсличи гъамли кавлан. Пур Аллагъли ﷻ иру: «Нуни хѐушази ихичибра жагаси тѐамала бикъахъис», ва Мухѐяммад Идбаглизи ﷺ Къуръайзирад «Тѐагъара», «Ясинра» делѐлахъес хъарбиру. Мухѐяммад Идбагла ﷺ тѐамала бакъибхѐли, адамти чебкаргъур, чула удирти скамейкабира вяшдулхъан. Пур Аллагъли ﷻ иру: «Хѐушани ихичибра жагаси тѐамала бикъидая», ва Сунени «Ангѐям» бикѐуси сура бучѐла. Илхѐли лебил Алжанала агълу, малаикунни, идбагунни, гурияби къагъбиубли кабиркур. Алжанала кѐялгъни, галгуби, Аллагъла ﷻ Гъяршра цѐализи ца чейгули кавлан. Пур лебил адамти чебаргъибхѐли, Аллагъли ﷻ, Сунелара адамталара ургабси пардав убасили иру: «Я Наб гѐибадат барибти Дила лугъри хѐушани Ну чевиулрав?». Илдани иру: «Я Раббана, я Залджалали вал икрами (Хѐу нушала Аллагъ ﷻ сайри, Хѐла уркѐѐѐиличибли нуша иш Алжанализи хъурадарибси. Хѐла уркѐѐѐи хѐебиари, нушани иш Алжанала дѐхѐѐѐира чебаѐс хѐдирехѐри, нушани ишти лерил секѐла камси бутѐаалра чебаѐс хѐдирехѐри. Нуша Жагъанаблизир, гѐягъравталара, гѐичѐлумалара ургар дирехѐри)».

Ааллагъли ﷻ чузи иру: «Ну Салим сайра, хѐуша муслмуна саррая, Ну муъмин сайра, хѐуша муъминуна саррая. Ишбархѐилизиб, Нуни хѐушаб, пардав агарли Дила дѐхѐ чѐдаахъес имкан лугулира. Ну хѐушаб дигѐянсиле левалли, Набчи иман бухили, Наб гѐибадат бирули калунхѐеливан Набчи хѐердизирая». Адамти Аллагъличи ﷻ хѐербизурхѐели илдала дѐхѐ нурли диѐѐѐили, дѐхѐимѐунниван ухар. Аллагъла ﷻ дурхъадешличира, жагадешличира гѐяшикъбиубли илдани хѐябал дус хѐулилра къѐпбарес хѐебирули, хѐербикѐули кавлан. Их лебил замана Аллагъра ﷻ чучи хѐериклар. Хѐябал дусла гѐергъи илди чебургъар. Илди чебаргъибхѐели Аллагъли ﷻ илдази иру: «Ассаламу гъялайкум айюгъал ахѐаб (Дила дигути), гъанна Нуни хѐушаб пешкешдарибтаци чардурхъенная, Набзира хѐушаб дигуси тѐладибарая, Ну хѐушачивли разиллира».



Пур Аллагъли ﷻ, чула баркъудлуми хѐясибли Сунечи адамти жибиру. Аллагъли ﷻ цабехѐти гъар жумягълизиб жибиру, цабехѐти базличи гъачам жибиру, дѐкарти дусличи гъачам жибиру, цабехѐти Аллагъли ﷻ гъачам жибарили балта. Аллагъли ﷻ гъар жумягълизиб Сунечи бикуги – чула лерил гѐямрулизиб, чула жагъдешла шагъватуначиб чѐдибикили Аллагъли ﷻ гѐибадат бирули калунти саб. Аллагъли ﷻ Сунечи базличи гъачам бикуги – илдани чула жагъдешла бутѐа Аллагъли ﷻ гѐибадатлизиб беркѐибти саб. Дусличи гъам бикуги – чула гѐямрула ахирличиб гѐибадатлизиб къайгъи барибти саби. Аллагъ ﷻ гъачам ахѐнси чехѐйѐути – лерил чула гѐямру бунагъуназир деркѐили, дѐглар гѐергъи тавбу дарес бажардибикибти саб. Илди Алжанализиб биаллира, илдала даража дебали камси саб. Ихтас Алжанала мискинги или иру. Аллагъли ﷻ Сунечи чебиалра живарес дигухѐли, Аллагъли ﷻ иличи гѐинѐличил малаик урхъуси сай. Малаиклира ит адамлизи иру: «Хѐечи Аллагъла ﷻ саламти дааб, Аллагъли ﷻ хѐед иш гѐинѐ бархъиб». Илини гѐинѐ кѐл бутѐа барибхѐели, илар илини кагъарра сарира гурия рургу. Илинира иру: «Кагъарличи хѐеризи». Ил кагъарличи хѐерилзан ва илаб белкѐи бирар: «Пулан адамлис Аллагъличибад. Наб хѐу чеваѐс дигуллира, хѐед нура чеваѐс дигалли, набчи зияратли вакѐи». Кашфула агълуни (чус Аллагъли ﷻ дигѐянти гъаргъарибти) бикѐули саби: «Лебил дунгъала нигѐмат хѐед

гъанбиркусиличиб камси буили саби, Ахиратлизиб биалли, хѐед гъанбиркусиличиб имѐѐали саби. Илбагъандан бусурман адамли, Алжанализи ухнаухъайчи ихала жагадеш таманли балуси ахѐн. Их жагадеш Идбагунани балуги саб».

Алжанала гъундурира, базуртира

Лебил Алжанала агълуни чула мерани дуѐили гѐергъи илдази маликунани иру: «Ит дунгъаличир хѐуша базуртачира, гъундурачирадра дашес дигутири, итаб хѐушани секѐл асес, сунела багъа бедили ахѐнси дируги ахѐнри. Аллагъли ﷻ хѐушаб ишар базурти акѐлахъуб. Ишти базуртачир хѐушани, хѐушаб дигути секѐл сегъуналра багъа агарли касес дирудая». Ил заманализиб, Алжанала агълу лѐмѐѐла агѐиличиб базуртачи лѐбкъян. Илар илдани, гъайли дурес хѐедируги жагадешла, мургъилизирад, арѐлизирад, жемчуглизирад дарибти жагати секѐл дургу, жагати палтар, деркѐсти, держѐсти дургу. Илдани чус жагадизурти лерил секѐл ису, малаикунани биалли, илдани асибти секѐл чула кѐялгънази лерху.

Тѐуба бикѐуси галг

Нушала Идбагли ﷺ иб: «Тѐуба – Алжанализиб башуси галг саби. Ил галгла мягъи дила хъулир сари, илала къѐялубани лерил Алжунтас дѐхѐѐѐи бируси саби. Алжанализирти гъар хъалила чѐдиб ил галгла къѐяли лебси саб. Ил галгличир лерил журала цѐдеш лерти сари, илала кѐапѐри диалли –

тажанира, браслетунира, тѐулукмира, урѐлира, халгѐятунира сари». Бусурман адамли ил галгличибад ца халгѐят касали, илала мерличир кѐл ляркъути сари. Ил галгла удиб Алжанала майдан лебси саби, илра, адамли урчиличив мурдали, 100 дуслира ахъес хѐейрар. Их майданличирад ниѐлара, варалара хѐуркѐи дашуги сар, ихти хѐуркѐбазир бялихъуни лерти сари, ихтала дѐхѐ дѐхѐиличиб цѐубси саби, хъулехъаличиб кѐантѐиси саби, сунезирра лигуби лерти ахѐн». Адамтани хъарбиули саби, сен Алжана гѐхѐл акѐлахъубли, Жагъанаб верхѐл акѐлахъубтив или, ил суалличи Имама Гъазалини ишкъѐйда жаваб чарбалтули сай: «Жагъанаблизе адамти верхѐл биркѐай бунагъ бирни багъандан биркур: Хѐули, лихѐи, мухѐли, някъ, къѐяш, кани, гѐяврат. Гъарил ихти биркѐантас лайкъси Жагъанбра акѐлахъубси саб. Алжанализи аркути биркѐантира верхѐл нушани дурибти сари, ва ихтаци имѐѐали уркѐира саби, сунечибли адамли вайсилисра, гѐяхѐсилисра къас бируси. Гѐяхѐси барес ибси уркѐила къасличил адам Алжанализи виркуси сай, сунени къас барибси секѐл хѐебараллира. Вайси барес ибси къасли, ит барали сай Жагъанаблизе аркуси. Илбагъандан Аллагълира ﷻ гѐхѐл Алжанара, верхѐл Жагъанабра акѐлахъубти сари». Аллагъли ﷻ нушала пѐкрумира, нушала биркѐантира вайсилличирад гѐеркъадарили, гѐяхѐсилличи даимдараб. Нушара Сунела уркѐѐѐиличирли Алжунтала агълулизирадди дараба. Амин!

Иблис сунечивли разили вирар

1 « Идбагла ۞ асхІяб ибну МасгІудли бурули сай: «Нуни Идбаглизи ۞ бегІлара халаси се бунагъ сабил хьарбаира. Идбагли ۞ иб: Аллагъли ۞ сай акІахъубкъира сунени Аллагъли ۞ кумхакъяна варали, ит саби бегІлара халаси бунагъ. Марлира ил бунагъ дебели халали саби, илис гІергъи се бунагъ халасив или хьарбаира. Идбагли ۞ иб: Хечил варх сайра вахес хІяжатбиркур или урухвиубли, хІела виштІаси кавшни саби халаси бунагъ. Пур сегъуна саби или хьарбаира. Идбагли ۞ иб: ХІела унрала хьунуйчил зинабарни саби или». СахІхІуль Бухарилизиб кибси хІядислизиб буруливан, нушала Идбагличи ۞ ДжабриягІил малаикра ۞, Микаиль малаикра ۞ бакІили саби. Пур Идбагли ۞ бурули сай: «Нуша дарх ардякъунра ва ца кІапІси пичла бухІналагъуна мерличи кьаршидикира, илала чедила чІяртІа сабри, удила бягІусири, илала духІнарад дахъал цІум-цІумалара гІамрира дикъуллири. Нуша илала духІна хІердизурра, илзаманализиб илала уди цІала лами бикъур, ил ламила буцІардеш чучи абаибхІелли, ил буцІардешлизибад илди чІярбикІес бехІибхІиб, Нуни Малаикунани илди чихъали сабил хьарбаира, илдани иб: Ихти зинакарти мурул адамтира хьунул адамтира саби, Къиямала бархІи бакІайчи, ихра чула гІязаб саби». Дурхъадешла вегІ Аллагъли ۞ нушачи уркІеціи бараб. МакхІул Димашкъиюни бурули сай: «Жагъанбла агълуни дебели вайси, убяхІси гІем бургу ва илди бикІар, нушани ишичиб жаргаси гІем

чебаибти ахІенра. Илдази Жагъанаблизибти малаикунани буру, ил гІем зинакар адамтала гІявратлизибад дурабулхъуси гІем саби или. Пурра гІялимтани бурули саби, Жагъанбла агълу гІурра, зинакар адамтала гІявратлизибад дурабулхъуси гІемлира гІязабуркІу или. Пурра нушала Идбгли ۞ бурули сай: «Иблисли сунела гІяскар ванзаличи гІинбируси сай ва илдази викІуси сай: ХІушазибадди чили бусурман адам чеввалкІахъадаллира нуни итала бекІличи таж (корона) челгъас. Ил гІяскарлизивадди вегІлара питна имцІасира, иблисличи имцІали гъамси сай, гІур иблисличи гІяскарлизивад цагъунабси вакІили викІули сай: Ну ца адамичивад сунела хьунуйчил декІаравикайчи чевхІейкира, иблисли илизи иру: ХІуни барибси халаси ахІен, замана дикили гІергъи илини цархІил лерку. Пур иблисличи декларси гъамирар: Ну ца адамличивад сунелара сунела узилара ургала бехъайчи чевхІейкира. Илизи иблисли иру: ХІуни барибси халаси ахІен, замана дикили гІергъи илди балбиркур. Пур иблисличи цагъатІи гъамирар: Ну адамличивад илини зина барайчи декІарахІейкира. ИлхІели иблисли хІуни барибси хІябра халаси леб или гъамииубли, итичи корона биршу». Аллагъли ۞ нуша шайгІа макрулизирад дерцахъаба. Идбаг ۞ викІули сай: «Иман палтар сари, Аллагъли ۞ илди палтар Сунес дигусиличи челгъуси сай, адамли зина бирухІелли иличирад иманла палтар чердалтутти сари, гІур тавбу даралли чардарили

челгъути сари». Пурра Идбаг ۞ викІули сай: «ХІуша зинализирад урухкІеная, марлира илизир урегал зарал лерти сари. Илдазирадли хІябал иш дунъяличирти сари, хІябал итил дунъяличирти сари. Иш дунъяличирти биалли – адмла хІурмат бетихъуси саб, гІямру кьантІдирути сари, мискиндеш даимбируси саби. Итиль дунъяличирти биалли – Аллагъ ۞ гІясивирни, хІисаб-суал вайти детарни, цІала гІязаб чебаахъни». Пурра Идбагли ۞ бурули сай: «Держи ужули вебкІибси Аллагъли ۞ гъутІат бикІуси хІеркІлизивад валхъуси сай, ил хІеркІ Жагъанаблизиб башуши, зинакар хьунул адамтала гІявратлизибад дурабулхъуси саби». Аллагъла Расул ۞ викІули сай: «Жагъанаблизиб ца хандакъ лебси саби, ил хандакълар чІичІлуми лерти сари, илди чІичІлуми валрила бекІличир дабза сари, илди дехІбала далтутачи къацІдилкути сари, илдала агъу адамла кьаркъайзир 70 дус гІяйдикІули дуути сари, гІур илдани адамла диъ белхъахъу. Пурра Жагъанаблизиб хандакъ лебси саби, илар чІичІлумира гІягІравтира лерти сари, илдазибадди гъарил гІягІрав гІемхІе къайда халаси саби, илала 70 къызкъизаг лерти сари, гъарил къызкъизаглизиб цІакъти агъу лерти сари, гІур ил зинакрличи къацІбикіи, итала кьаркъайзи сунела агъу дурхъути сари. Илди агъуни ил зинакар 1000 дус язихъвиру гІур илала кьаркъала белхъан ва гІявратлизибад шахла хІеркІ кабулхъан». Пурра хІядисуназиб бурули саби: «Чили шерирси хьунул адамличил зинабараллира,

ит хьунул адамлиса мурул адамлиса хІяблизиб иш лебил умматлиси бедлугусила байхъала гІязаб бедлуга, Къиямала бархІи бакІибхІелли, Аллагъли ۞ ит хьунул адамла муруйзи, сунела хьунуйчил барх зина барибсила гІяхІти гІяматти сунес ардухахъес ихтияр бедлуга, итала гІяхІти агара диалли, илини сунела вайти дедес вирар. Илгъуна ихтияр бедлугуси саби, илини сунела хьунуй зина бирни балули хІейалли, амма балули виубли лехІкахъилли калали, Аллагъли ۞ илис Алжана хІярамбируси саби, сенахІену Аллагъли ۞ Алжанала унзалиси или белкІуниси саби». Даюс – сунела хъулиб, хьунуй биалра, рурсини биалра (сунела хІерудилизибти чили биалра) зина бирни, яра зиналичи лебкуси секІал бирни балули лехІкахъилли ууси адамлис бикІуси саб. Пурра бурули саби: «Чили сунела някъ сунес хІялалси ахІенси хьунул адамличи шагъватличил каби-хъаллира, Къиямала бархІи ил сунела някъ хъябличи алавбарилли лаякъян. Ит хьунул адамличи байвикІалли сунела кІунтІби цІализи лайдикІу, ит хьунул адамличил зина баралли илала урдурти гъайдужъи, Къиямала бархІи сунечи кьаршили бикъридеш диру: Нуша хІярамличи адацІира, илхІелли Аллагъ ۞ иличи гъимивирар ва илала бяхла диъ декІарабикІилли кабиркур, ил сай умувис багъандан, нуни се баривар гъатІи или дугъавилзан. ИлхІели иличи кьаршили сунела лезмини бикъридеш диру ва бикІар: Нуни бурес асукІебируси бурули буира, гІур илала някъбани иру: Нуша хІярамличи

къячдилкули дуира, гІур илала хІулбанни иру: Нуша хІярамличи хІердикІули дуира, гІур илала къяшмани иру: Нуша хІярамличи дашули дуира, гІур илала гІявратли иру: Нуни хІярам барира, Пур хІяфиз малаикунаназибадди (адамла хъуцрумачи кабиили гІяхІтира вайтира лукІути малаикунни) цали иру: Нуни бакъира, гІур кІиэсини иру: Нуни белкІунра, гІур Аллагъли иру: Нуни иличи хІеръира ва дигІянбарира». Пур дурхъадешла вегІ Аллагъли ۞ иру: «Я Дила малаикунни, илизи Дила гІязабла хІялбагъахъирая, Назибад уреси бетакъибсилчи Дила гъими имцІабирар». ИшбархІилизиб чула кьаркълуми кІапІхІедарили башути хьунул адамтира, илкъайда илди башахъес балтутти илдала дудешхъаллира, узбира, муйлира халаси урехилизиб саби. Кьаркъала гъаргбарни зиналичи абиркуси ахІен или гъанбиркахъес асубируси ахІен, сенахІену, кьаркъала гъргбарниличибти илдани зинала питна гІинтІбирутти саби, Идбагра ۞ викІули сай: «Бунагълиси чили байхъала гъайлилра кумекбараллира, ил ит бунагълизиб кумхакъяна ветарар». Мурул адамтасра, къялуби агарси шарбаршорттик, яра дулгъуби агарси, някъби гъргдируси мйякара чегъурли дура дурабулхъни дебели урехила саби, илдира зинала лишанти сари. Илдазибадди нушала дурхІнира, нушала гъамтира махбирес чебси саби. Нушала Идбаг ۞ викІули сай, хьунул адамлиси кІапІбарес чебси секІал, мурул адамлис кІапІбарес суннатси саби или. Аллагъли нуша илди бунагъуназирадди дерцахъаба.

ИшбархІи рурсбани дироти жагадеш чис сару?

Нушала, гъар секІайчи ахъри бикІахъан Аллагъли ۞ жагадеш гъар адамлис диахъу. Леб хасиятунала жагадеш, леб гІамала жагадеш, леб адабла жагадеш, лер дяхІла жагадеш ва цархІилти. ЦІахти адамти лебти ахІен, хаслира жагъил рурсби.

Гъар бархІиличи-бархІи кІунтІбачи ботакс бирахъути, нудбачи ва хІулбачи татуаж бирахъути жагъил рурсби имцІабикІули саби. Аллагъли гІибти дяхІла сипат къабул дирули ахІен. Ил бунагъ «асес» салонлизи укъялли дебели деклар дурхъали кахІебилзан. МяхІячкъалализибси ургабси багъа:

Нудбас татуаж барес-2500 кьуруш,

ХІулбас татуаж-2000 кьуруш,

КІунтІбачи ботакс барахъес 1500-2500 кьуруш.

Илди багъни дебели халали ахІен. Адамти нушала замана кІел яра хІябал хІянчилаб бузули саб, хІукуматла арцани кайсули сари. Нешлира дудешлира дурхІни бахес, абикъес ва бучІахъес халаси къайгъи бирули саби. ДурхІни институтлизиб бучІахъес арц дарес бузули, чула арадешличи хІерес замана биули ахІен. ИмцІаливан, институтлар ручІуси я рузуси рурсини илди арц даргес къия чебиули ахІен. Чус беркесилис, партал асахъес, гъундурас бегІтани дедибти арц, илдани салонлизи бякъи делгъули сари. Чис ва сен илди дирахъути? Я дудешли, я узбани, я гъамтани илис сен гІебхІебурути? Аллагъли халаси бунагъ биахъни хІебалули? Сен



нушала замана изуси адамлис гІягІинити дармунти дурхъатив, амма бахъал рурсбани бирахъуси ботакс ва татуаж дургІесив? Сен Аллагъли дедибти жагадеш къабулхІедарили, дедили арцра илди дехІсурдарес бузутив? Мискин-пакъирлис илди гІядада делгъути арцла мерлаб садакъа сен хІебирути? Илди шайгІа гъунилис гІелабад бикни бетарар. Лерилра ишти суалтас гъар адамли сунес сунени жаваб баргес вирар.

Медицинала шайчибадра ил урехила хІянчи саби. Илди дириси тухтур-косметолог цІялалра хатІаикалли, ил хатІа рурсбала дяхІличиб халаси замана яра лерил гъамру кадерхайчи квлан. ИлхІелли, «жагадеш асес» бякъунти рурсби, гъгІира цІахъиубли ва азир изала дучили чарбирар. Ил ботакс гъачам барахъали мурталра бирахъес хІяжатси саб. БархІебарахъали гъатІира цІахли кабилзан.

Дила ахІерти динна-рузби, Аллагъ ۞ нушала жагадешличи хІерикІуси ахІен, Аллагъ ۞ нушала уркІила жагадешличи хІерикІуси сай. Аллагъли ۞ уркІи-уркІилабад тІягІят бируси рурсини ил бала, амма тІягІят хІебирусилис, «жагадеш асес» рузусилис ил аргъахъес къиянли бирар. ДяхІ Аллагъла ۞ нурли сар жагадирути, кьаркъала гІяхІти хасиятунани саб жагабируси.

Фатима Омарова

Ахиратличи ну хиядурхейкюлра

Ишбархикьалли ну мицйирли сайра.
Жягйялайс кавлусал балхлебалулра.
Иш дунъялис ну гьар-бархи узулра.
Ахиратличи ну хиядурхейкюлра.

Келра хюли нуни хердиклахъулра.
Келра лихйини тламала иргъулра.
Лезмини вайти – гяхити гъай дурулра.
Ахиратличи ну хиядурхейкюлра.

Къяшмачив ванзакадли
къунзвикюлра.
Някъбани яшавлис хянчи бирулра.
Дугелира херелира усулра.
Ахиратличи ну хиядурхейкюлра.

Къяна-шилгахъ гьар-бархи дузахъулра.
Ну гьар бархи бунагъуна виркюлра.
Заманаличир тавбу хедирулра.
Ахиратличи ну хиядурхейкюлра.

Зягипикибиличи гъавхейкюлра.
Къиян бакйибсилис кумек хейкюлра.
Вайси бирусилиси гъайхейкюлра.
Ахиратличи ну хиядурхейкюлра.

Къияндикибхели Аллагъ викюлра.
Наб гъамадхели лерил хумуртулра.
Ахиратлизиб Алжана дигулра.
Ахиратличи ну хиядурхейкюлра.

Давлачеввиасли далайвикюлра.
Мургъи-арц хедиалли ну висулра.
Мискинтачи уркецйи хебирулра.
Ахиратличи ну хиядурхейкюлра.

Яни бакйали ну бугйарли викюлра.
Дуцйрумлизив дяхйцилигйив
умцйулра.
Паризала дехбала далтулра.
Ахиратличи ну хиядурхейкюлра.

Бегйтала хурмат-хатирхебирулра.
Неш-дудешли бурибси хебирулра.
Узи-урши, тухумдеш хедалулра.
Ахиратличи ну хиядурхейкюлра.

Аллагъла къадарличи вирххерхулра.
Къадар бакйали сабур хебирулра.
Дунъяличив наб дигута виркюлра.
Ахиратличи ну хиядурхейкюлра.

Мавлид-зикруличи ну вашхешулра.
Дурхъаси къуръанна жуз хебучулра.
Пилму багъес нуни къас хебирулра.
Ахиратличи ну хиядурхейкюлра.

Иш дунъяла масли лукъхелукъулра.
Масличибад закят дурахейсулра.
Бекйибтачи зиярат хебирулра.
Ахиратличи ну хиядурхейкюлра.

Гяхиси адамличи юлдаш херкулра.
Ил мялгун шайтан юлдашли бурцулра.
Иблисли виргйяургни хебалулра.
Ахиратличи ну хиядурхейкюлра.

Балути-хебалути бекйиб чумилра.
Набчира ярга биъни хебалулра.
Малакул мавт лывкъни балхлебалулра.
Ахиратличи ну хиядурхейкюлра.

Бусурман сайра ну викюлра.
Бусурмайчи хъарти дирхедирулра.
Хиялал-хиярамси деклархебирулра.
Ахиратличи ну хиядурхейкюлра.

Давлачевсилличи хиясадкайрулра.
Хиякимвиэс рушбатуну лугулра.
Ахиратличи ну хиядурхейкюлра.

Аллагълизи ну тиладивикюлра.
Дила бунагъ-хатла дирца викюлра.
Алжанализи укаба викюлра.
Ахиратличи ну хиядурхейкюлра.

Вегйгуна адамличи гымургулра.
Вегйгуна адамлис вайси бурулра.
Адамтачи бугътан-гъибат дурулра.
Ахиратличи ну хиядурхейкюлра.

Хиякимли ибси дуцйухъи бирулра.
Аллагъли хъардарибти хедирулра.
Халкъла гяйибтази хейкес узулра.
Ахиратличи хиядурхейкюлра.

Мурт биалра нура убкюси сайра.
Кавлуси ахен дунъяличив чилра.
Арякъунси чархелхъули виалра.
Ахиратличи хиядурхейкюлра.

Наб гибси нигматлис шукру
хебирулра.
Акъахъуб Аллагълис деза хейкюлра.
Мижит бирухели кумек хейкюлра.
Ахиратличи ну хиядрхейкюлра.

Алхиямдулиллагъ ну бусурман сайра.
Мухияммад ﷺ идбагла умматла сайра.
Илбагъандан ит къиямала бархи.
Алжанализи хульвикюси сайра.

Пямархияжи ху вархъли
гъайвикюлри.
Ахиратлизиб Алжана дигулри.
Датурли иш дунъяла тимир-химир.
Ахиратличи ху хиядурхейкюлри.

Мусаев Пямархияжи Алиевич

Цяли урцулван гяхити гямалти игуси

1 « Хечибадли касили илдани
вайси барали хедра бунагъ
биуси саб. Хиуни бируси гямал илди
багъандан жагали бара, марлира
хиуни бирусилличи хяздурхъи илдан
ира гяхиси барес асубирар». Риягъла
их жураца цасиличиб дигянси саб.
Шайтанли ихичибли, цасиличили
букъбуэс хебиубси гямал букъбу-
луси саб. Бируси гйибадат жагалира,
урки-уркилабадра цархили би-
рули дигулли, сен их веглисра вегй
цунхели хейгусив? Декларсила нафс
веглайчиб ахерли биэс секъядалра
бируси ахен, ихра сегуналра васва-
сала агарли шайтла макру саби.
Риягъла хябэси жура. Ихра гьалар
дурибтачиб гьатйира дигянси саб.
Лагъли сунела нафс гьаларти риягъла
журабачи хиядурбарили, шайтла ма-
круличи хулби гьаргдарили, сунени
бируси гйибадатлизиб адамтала ургав-
ра, цайхелира декларулхъни, бурес
сегуналра васвасала агарли шайтла
макру сарни багъурхели, сунени ди-
рути дехбала адамтала ургавхелира,
цайхелира цагъи дирни ихлас сабни
багъурхели, Аллагълизибад ﷻ уре-
хи, Аллагъ багъандан бирнила къас,
адамти лебхели илди агархеличиб
имцлакъ дураберкес Аллагълизибад ﷻ
уруклан виубхели, сунела дехбала
цайхели, адамтала ургав левхеличиб
гьатйира жагали, гьатйира паргъат-
ли диран виъни, адамтала ургарра
ихкъяйда диран виънира, дигянси
риягъла жура саби. Сенахенну илини
дехбала цайхели жагадирути сар
адамтала ургарра жагали дирес ба-
гъандан, ихабра сегуналра деклардеш
лебси ахен, илала къасра, цайхелира,
адамтала ургавхелира адамтачи шур-
батурси саб. Марлира, бархъси ихлас
саби – къаслизиб, сунела дехбайчи
мицйираг хердикйалира, адамти
хердикйалира сегуналра деклардеш
хебиъни. Илис сунела дехбала
адамтала ургар вайтла детаалира
камсильра шишимъала хебиъни. Пур

илала нафс, риягъ бирутала лугйилизиб
биэс уруклар. Илис гъанбиркуси саб,
сунела дехбала адамти лебхелира,
сай цайхелира дурусли диалли илаб
риягъ хебирар или, илкъяйда ахен.
Риягъ аркъуси саб, ил мицйираг сунечи
хердиклаб, херхедиклаб, сунела мякъ-
ла жан агарти секлал диалра, хедиалра
сегуналра деклардеш агниличичи
мешули, мякълаб адамти биаб, хебиаб
деклардеш агарбиубхели.
Риягъла авъибил жура. Ихра бегйла
дигянси саби. Илини дехбала
дирухели, иличи адамти хербикюли
саб, амма шайтанли илизи, адамти
багъандан хела дехбала жагадара
или эс бирули ахен. Шайтлай балу-
ли саб итини ихти риягъла жураби
дагъурли ихтазивадли гьаракъвикни.
Илизи шайтан бикюли саб: «Аллагъла
ﷻ дурхъадешлизиб пикривиклен. Хиу
Аллагъла ﷻ гъала тлашизниличила
пикривиклен, Аллагъ ﷻ хела
уркиличи херизурхели, хела
урки гъафлатлизиб биънилизивад
уруклен». Илди пикривадарили илала
урки Аллагъличили ﷻ пикривикюли
саб, бирканти паргъатдирули сар.
Илисира гъанбиркули саб их саби
бегйла умуси ихла с или. Амма
их макрулара, къяналара къада саб.
Ихала ихлас Аллагъ багъандан биал-
лири, Аллагъла ﷻ дурхъадешличили
пикруми урки-уркиларад диаллири
ихти лерил секлал сай цайхелира
дири, ихти пикруми мякълаб декларти
лебхели цун дашути хедири. Их
балагълизибад верцнила лишанра
саби – ихти пикруми сай адамтала
ургавхели цун ахли, сай цайхелира
дашни. Илхели ихти пикруми
дакнилис, мякълаб декларти биъ-
ни сабали хебирар. Сунела хял
адамтала ургавхелира, мицйирагла
ургавхелира декларбикюли лебалли,
илала гямал умули Аллагъ багъандан
барисси ахен. Илала урки дигянси
риягъли нясбируси саб. Их риягъра
адамла уркилабси дигянси ширк



(Аллагълиси ﷻ кумхакъяна варни)
саби, илра цйабси дугйилизиб, цудара
шуриличисси имигйарличибра
дигянси саб. ЖШайтлайзибадра,
сунела цакъси хулбала шала лебси
ахенци верцес хейрар. Шайтанра
дугелира, херелира, бамсри ахъ-
лес тлашбизни агарли Аллагъла ﷻ
лагъ чевалкъахъес бузуси саб. Дин-
тйагъит, гяхити гямалти таманли
датахъес хебирухели ил, адамти
бируси гьарил вяшатлализиб риягъ
аклахъес бузуси саб. Дехбала цун
деклархедарили, лерил нушани
дирути гяхити гямалтазиб, хятта
хулбачи дикоти куллулизибра,
къантбируси супеллизибра,
жумягй бархила чахъдирути жагати
тлеманазибра, челгъути партайзибра
дигянси риягъ аклахъес бузуси саб.

Ихти лерилра деклардарибти за-
мунтазир дебали дурхъати гямалти
сар. Шайтлайра илди дарахъес
гьирбикюли бикюли саб: «Их суннат
саб, батесра асубируси ахен». Ва гур
гьариллизи сунела бутла, риягъ гьудур-
барес бузуси саб. Сенахенну риягъли
гямал бигубли, таманли агарбируси
саб. Къиямала бархи Аллагъли ﷻ
хиуни ит гямал чи багъандан бари-
рив, чила гъалав жагавиэс барив
итизибад керира саса или урхъуси
сай. Керира нушаб Аллагъли ﷻ ахенс
чилила гес вируси ахен. Аллагъли ﷻ
нуша лерил шайтла макрулизирад дер-
цахъаба, нушани итира камли бируси
гйибадат, риягълира бигубли агарма-
бараб. Аллагъли ﷻ нушала гямалти
халисти, ца Сай багъандан дирути
детахъаба! Амин.

Газани дурадулхули дазала хедууси адамли дехбала секьяйда дирутив?

Нушани балуливан даза шуртҗира, ваджибтира, суннатунира лерти сари. Газани дурадулхули яра жихИ дурабулхули дазала дихлес хейрусилер лерил дазайир чергачи цагьатҗи имцабириси саб. Илра - дазала дехба замана баибхели дарни саби. Илгьуна изала лебси адамли, дехба замана баибхели тгагьарат барили, сунела гявратличи, удирти палтар умули калахьес чянкҗила кусук кабирху. Пур дарили дазалара, ит заманализирал, гелайзи архедухили дехбала диру. Илди лерил дарили гьегҗи дехбайзиб силра дурабухун или гьанбикалли сегуналра зарал лебси ахен, дехбала детарути сари. Газ дурабухунал вас-васвиклалли илала тламала хебакьили, яра тлемла хебагьалли сегуналра зарал агара.

БархИ мурт бехИбирхусив? Савли берхИ бухунхели бехИбирхусив, дугели гелабикхели бехИбирхусив?

БархИ дуги-херилизибад (сутка) цалабиркуси саб. Савлила дехба замана баибхели бархИ бехИбирхуси саб. Савлила дехбалара бархИла цаэстази халдирути сар. Савлила дехба замана баклайчи итил бархИла дуги кавлуси саб.

Имамли гьачамли чум бекҗибтас жаназала дехбала дарахьес вирару?

Жаназала дехбала гьачамли лебил гялам халкьла бекҗибтасра дарес вира, ца адамлисра деклалли дарес вирар, илаб лугҗила хьарахьуд лебси ахен. Амма ца имамли ца вебкисилер кийна дехбала хедираху. Ца адамлис кийнейсил жаназала дехбала дирули диалли имам варсварес хяжатбиркур.

Виштҗаси аклубхели азан ва кьамат делчи гьегҗи се бучусив?

Виштҗаси аклубхели балуй лихилизи азан бучла, алгьай лихилизи кьамат бучла. Илдира дучути сари виштҗасини беглара гьалаб бикуси Аллагьла 1 ура, Идбагла 2 ура, шагьадатра детахьес багьандан. Нушала замана биалли ил барес мурталра бетарули ахен, сенахенну виштҗаси больницалав алкҗули сай, ил бегҗази чевиахулира ахен. Ил багьандан цаэси бархил белчес бетхейр или ил суннат балтуси ахен. Илди имкан бакибхелил дучла. Гьатҗи бетарули хебиалли виштҗаси хули вархьибхели, верхеси бархИ лихила азанра, кьаматра дучла, гур урегал (инна анзална) дучла, гур виштҗасилер у бедлуга, бекҗи чянкҗибиру, гякьикьа лугьа.

Савлила акбар белчес чебси ахен викҗули сай имам, ил бархьсив?

Акбар фарзу кифаят саб. Илала мягҗна - ца шилизиб, яра шагьарлизиб чилилра бучули биалли биуси саб, гурти лебтацибад чебла кабиркур, илданира бучҗни суннатли бирар. Чилилра бучули хебиалли лебил шила яра шагьарла халкь бунагьлизиб саб, чучибси чеблара хебарни бетарар. Акбар бучлахьес катурси ца адам левли виалли, гурзу агарли илис сенилра акбар хебелчес ихтияр агара, ил фарз батурсилизи халбириси саб. Савлилайзиб биалли гьатҗира халаси амру леб, марлира Рамазан базлизиб Идбагла 3 акбар кийна бучлахьусири. Цаэси кьацҗли букахьес сурхурличи абизахьес, кийэси дехбайчи цалабикахьес.

Хияйван лугьхели кьиблаличи шурбатес чебсив суннат сабив?

Хияйван кьиблаличи шурбатни суннат саби, чебси ахен.

Нушала шилизибтала, кьял изухели, ниьлизи, дигалра хейгалра, кьяйчибад нажас кабиркули бирар, хебиалли илди лерил ниь нажасдирутив? Базуртачир дирцути, лерил бурганира хярамти детарули?

Кьял изухели, иличибад кабикибси нажасли, илди ниьла ранг, тлягьям, тлем барсбирули хебиалли, нажас кахлебикахьес кьяйни биьни багьандан, ниь жьргадирети ахен.

Имамли лерил хянчи сунези дуцили сари, халкьлис сай хейгукьира имамдешличивад аркулира ахен, ил секьяйда бетарусив?

Имамдешличиб гьатҗи вайси хянчи дунгьаличиб лебси ахен. Сенахенну имамли сунела лебил джамагьятла жаваб гелайхуси сай. Сунечи лехихуси ца адамлизилра балкҗа гьуни буцахьалли итала лерил хатҗурбира, бунагьунира гелайхути сари. Илбагьандан Идбагла 4 викҗули сай хябал имамлизибад клел Жагьанабла цализи аркьан или. Имамдешличи цапакунсира духуси сай виклес херар. Амма имамли лерил секлал шаригьятла гьуни хясибли дирули виалли, имамдешра дунгьала мас бучес хедузахули Аллагь 5 багьандан сунечи их кьяйни чейсули виалли, сай увацҗилизиб фитнара чебиули виалли илис сенильра ил мер батес асухлебирар.

Нушабра ашкарливан ишбархилизиб бахьал адамти леб фитна барес, дин бехьес бузути. Илданира халкь биргьабургули саб. Жагьил дурхҗни вацҗализи арбикули саб. Гьяйзиб агарти халкьра кабуршули дин тинтҗирутира бикҗули саб. Бархиличи бархИ, чус адамтала ургаб багьа биубли дигули, дунгьа бучес дигули, чула уми Идбагличибад 6 бакибси устазунала силсилализир агарти, шуйхри сарра бикҗути адамти имцабикҗули саб. Имамтира леб держлара бужути, держла мукьира гьердурцути, цархилтира дакҗути бунагьуни дирути. Илдира халкьлис чучи балбиркни багьандан имамтали биубли дигули бирар. Имамдеш датали, сунела мерличи илдигьунтазивадли ваклес урехи лебил биалли ил имамлис мицҗирли левли сунела мер батес асухлебирар. Илди сабабтира агарли, имамтира шаригьятли чебаахьис гьуни хебуцили сунес дигута виркьули виалли, илгьуна адамла дехбалара кьабулхедирети или хиядислизиб бурули саб.



Рузнама

Апрель

дни	Утренний Ас-СубхИ	восх.	Обеден. Аз-Зугьр	После-обеден. Аль-Гласр	Вечерн. Аль-Магьриб	Ночной Аль-Гиншаь
1	4:50	6:29	12:53	16:27	19:18	20:44
2	4:48	6:27	12:53	16:27	19:19	20:46
4	4:44	6:23	12:52	16:28	19:21	20:49
6	4:40	6:19	12:51	16:29	19:23	20:52
8	4:36	6:16	12:51	16:30	19:26	20:55
10	4:32	6:12	12:50	16:31	19:28	20:57
12	4:28	6:09	12:50	16:32	19:31	21:00
14	4:22	6:05	12:49	16:33	19:34	21:04
16	4:18	6:01	12:48	16:33	19:36	21:07
18	4:13	5:58	12:48	16:34	19:38	21:10
20	4:10	5:56	12:47	16:35	19:40	21:13
22	4:05	5:53	12:47	16:35	19:42	21:15
24	4:01	5:50	12:47	16:36	19:44	21:19
26	3:57	5:47	12:47	16:38	19:47	21:23
28	3:52	5:44	12:46	16:38	19:49	21:26
30	3:49	5:41	12:46	16:39	19:51	21:29

Рузнама Мяхҗячкьалала шагьарлис саби

Стиральный машиналар дирцибти палтар дехбайзи умудирив?

Стиральный машиналар, дясунти шин ардашули че умути шин дашули диалли сегуналра урехи агара. Стиральный машиналар илди агарли, гьачам ила кертибти шизир палтар ицули диалли, деглара гьегҗи илди палтар гялхил даргаэс хяжатбиркур.

Кредитлис арц касес асубирив?

Кредитла мягҗна – банклизирад яра сегуна биалра декларси организациализирад арц сасили, гур замана дикили гьегҗи илди арц челяркьути процентунира имцадарили чардирни биалли, ил сегуналра васвасала агарли хярамси саби. Илгьуна вачарлис шаригьятлизиб «Риба» или биклар. Кьурьайзивра дурхьадешла веҗИ Аллагь 7 викҗули сай: (мягҗна) «Риба мабукадая». Хярамси гуйчир дарибти арц сецад дахьал диаллира баракатла хедирар.

Хурматла узби ва рузби!

2013 ибил дуслис «Ас-салам» газеталис кьулбасбирес даимбиубли саби.

Газета кьулбасбарес вирар чиди-дигара почтала отделениелизиб. Илкьяйдали Дагьиста лерилра районтазибти нушала хянчизартачибад.

«Ас-салам» газета кьулбасбирули, Дагьистайзиб Ислам тинтҗирилизил хушалара пай кабирхуларая...

Кьудратла ВеҗИ Аллагьли нушала уркҗазиб иманра, Исламра, динничли дигира имцадараб.

Дусла духҗнар дурадулхути газетабала багьни бузри хясибли дарсдиклар!

Дирхулра, нушала бучланти газета агарли кахлевлан.

Хурматла узби ва рузби!

Динничил дархдасунти, «Ас-салам» редакциялизи яра даргала «Ас-салам» газетала редакторличи суалти лердиалли, хушани телефонна иш гьегҗисини номер хясибли зянкьдяхьес дирудая: +7 (988) 303 00 08 (Ас-хаб).

Диубсигьуна кумекбирехле, иншаАллагь !!!